


《10版》

水墨丹青 诗意中国

古风·丙申杂诗晨起吟

曾记林中碧泉幽，此身仿若老沙鸥。
天地之间无所寄，尝作闲云野鹤游。
志壮何堪频回首，心慈不觉总回眸。
两脚踏翻尘世路，一肩担尽古今愁。
花自飘零水自流，往事如烟月似钩。

最是悲情相思处，宏深誓愿永未休。
勘破万象没挂碍，寂寞独步上高楼。
横绝九州书礼易，纵贯三才乐春秋。
太虚胸怀宽宇宙，真朴境界返源头。
无我无人无众寿，四海谁与共扁舟！



逯国平书/绘

丙申岁立夏吟

恬淡其志，和尘同光。深根固柢，龙虎伏藏。
动静有时，山高水长。潜渊抱道，行健自强。
忍辱负重，包罗万象。力断金刚，太虚心量。
风云际会，雷霆浩荡。气之所在，势不可挡。
惊涛骇浪，一泻汪洋。乘龙驭天，进取无央。
建业垂统，日就月将。大人承绪，明照四方！



褚哲轮书 李巍松绘

七绝·岳飞吟

水枯石见能无憾，海晏河清定有时。
一寸心将天地里，全神俊骨世咸知。
——此诗为余34岁前之心境写照，与一切受屈含冤而不欲辩解者勉之。
注：水枯石见本意为水落石出、真相大白。



韩忠学书 杨恒林绘



杨芸熙书/绘

七绝·伏生授经有作读书吟

从来道统承文继，典册昭昭载大伦。
亿万藏书遗后世，千秋功业尽为尘。



张肇达书 安江洋绘

古风·忆无名老僧

大士怀悲情，超然下凡尘。
拔苦救苍生，慈航演三乘。
愿道地藏王，慧目观世音。
感同文殊者，广作普贤行。
荷担如来业，随缘示显隐。

龙德多变化，圣手挽沉沦。
踪迹绝四海，天空万万云。
济世堪无量，迄今不知名。
江山斯何幸，有此天上人。



韩忠学书 刘志明绘

古风·七一吟

修为历时浅，鹤居阅世深。
豪情发壮志，孤胆赴鸿门。
遍遭滔涛恶，乘运以跃鳞。
文章仗书史，性命托金经。
遇滞皆不碍，前程有期因。
危日未倦神，舟车直通津。
海岳归圣主，穷通赖明诚。
善用方寸地，狼丛好立身。
江山多逸韵，意气复凌云。

愿凭三昧力，焕然宇宙清。
存养似冰玉，高步走雷霆。
声如狮子吼，曼妙亦龙吟。
下学而上达，隆德厚群生。
月照空潭影，天风太古琴。
胸襟包覆载，背后起昆仑。
昂首攀南斗，跨足越北辰。
迎脱根尘处，独坐寂寥心。



韩忠学书 李巍松绘

文殊洞内吟

少怀经纶志，夙慕古上皇。
为民开既济，慨然入帝乡。
高步张偃佹，涉足履冰霜。
世界更浮沉，精神渐沧桑。
域外悟玄境，洞中观空王。
物同我两忘，身与名俱藏。
日落山河隐，云归月色凉。
此际得素朴，便觉乐未央。
昭华起九重，兰若夜生香。
珠碧连霄汉，百物仰紫光。
乾坤须辅弼，社稷赖贤良。
鸿基通内典，盛德振大匡。
圆盖吞天壤，方舆载八荒。
神功资庶品，圣道润十方。
待时乘六龙，行地以无疆。



张肇达书 李巍松绘

丙申杂咏古风之二

镜花水月原为幻，几度思卿几惘然。
累受劫灰参至道，穷究性命达人天。
宇宙吞吐生万类，风雷开阖运大千。
此间尚有无尽意，自在中流挽狂澜。



韩国强书 柯金绘

古风·乙未杂诗清明有感

苍茫锁孤城，万里绝人声。
寂寞生气象，烟波起长鲸。
无为冠天地，大美发清明。
深藏荣与辱，男儿自横行！



张德林书 王鉴绘

尊经征圣集古瞻孔子像吟

龙马图犹在，(宋·章云心)
周游布典坟，(唐·苏拯)
游遍七十国，(唐·苏拯)
不令遇一君，(唐·苏拯)
奇文虽可贵，(宋·陆游)
长叹何足云，(南北朝·沈约)
谁为尧舜徒，(宋·王安石)
两楹梦莫殷，(清·弘历)
荡荡东家丘，(宋·薛季宣)
歿世议方存，(唐·张诒)
万古长不灭，(宋·魏了翁)
天岂丧斯文，(宋·陈师道)

十五志于学，(宋·朱熹)
昭事极精纯，(宋·胡宿)
礼乐湮沦久，(宋·周紫)
幽独自伤神，(宋·左纬)
丈夫志四海，(魏晋·曹植)
昂藏九尺身，(宋·刘克庄)
端居事探讨，(明·蔡藻)
匡扶系国钧，(明·曾仕釜)
道济三千子，(宋·苏轼)
正意叙彝伦，(唐·李中)
君子秉大道，(明·杨起元)
绝粮诚若辛，(明·黄省曾)

乐天知有命，(明·欧大任)
忧道不忧贫，(魏晋·陶潜)
行行向不惑，(魏晋·陶潜)
势屈道则伸，(宋·刘敞)
立德而立言，(清·魏裔介)
适中乃彬彬，(明·宋濂)
五十以学易，(先秦·孔子)
风云气象新，(元·耶律铸)
孔子固大圣，(宋·吕本中)
不止能亲民，(清·毛奇龄)
六经如日月，(宋·丘葵)
群星拱北辰，(清·弘历)

惟君当厥任，(元·杨翮)
大地免沉沦，(宋·朱翌)
杏坛花正落，(唐·王绩)
文字日生尘，(唐·刘长卿)
竟失帝王师，(明·郑善夫)
千岁无麒麟，(宋·王安石)
稽首瞻遗像，(明·邓雅)
潸然泪满巾，(宋·李鹰)
拳头天外望，(宋·陆九渊)
无我这般人，(宋·陆九渊)



张德林书 许子杰绘

乙未冬大雪封山赋

化境实境皆佳境，一重楼见一重山。
桃源洞内星辰近，五峰座前日月闲。
众生孰能无跋涉，世情随处见险艰。
胜地往返已经年，访道寻幽漫著鞭。

喜向忙中抛俗事，爱去寺里觅金仙。
神人自古迷姑射，吾亦欲此久居焉。
昨日阳光悉普照，遂来华北第一巅。
苍翠景色尤秀逸，云阶层层步流连。

十方有情同清赏，旷野之上浮寒烟。
朝晨忽见万山白，才知夜来雪满天。
飞雪隔尘空与土，雄关漫漫更无边。
清虚哪似人间世，身在琼楼玉宇间。

瑶花散乱纷纷下，玉树晶莹烂堆川。
苍苔冻冰气凛冽，香车宝马莫敢前。
天演物象多变幻，瞬息沧海作桑田。
兴灭本为平常事，原始反终归自然。